

清朝治理新疆方略彙編

主編 張羽新 趙曙青
副主編 張雙志

整理編纂 張羽新 張雙志

第二十三冊

學苑出版社

西陲總統事畧序

伊犁爲西域總統之區自南北兩路戡定以來迄今已閱五十餘載各城案牘日積悉關舊章特因紀載未有成書每遇行查事件不免參差掛漏致核無資丙寅冬^筠曾有纂辦通志之請仰蒙

聖鑒以邊地書籍罕徵難於纂輯

特命館臣續纂西域同文志嗣是各城奉文查送事宜均由伊犁彙總核轉款冊紛如昔嘗伏讀

高宗純皇帝御製文詩兩集又承乏西北數歷有年於邊事

見聞較悉因就彙核之暇檢前此汪知縣廷楷原輯

序

未成之稿屬神郎中韻士重加排纂一手編輯用叙

兵屯鎮撫之要邊防形勢之宜仍復親爲釐定並令

城守尉宗室廣寧爲繪輿圖書成凡十二卷自愧龔

陋少文不敢妄言志乘名曰伊犁總統事畧藏之衙

齋用備公餘省覽或於守土思職之義不無小補焉

嘉慶戊辰長夏松筠湘浦謹識

校刻西陲總統事畧序

吏部文選司員外郎程振甲撰

昔之人通大宛安息窮極之壤置校尉守之且戰且安輯之推其初心聞天馬葡萄以侈其疆而不思安撫之長策故任張騫班超而通其地任段禧任向而終漢之世不得與幕庭爭逞斯時山川疆索屯戍之利如龍門叙大宛蘭臺叙西陲著稱叛服無常羈縻之而已我

朝定鼎以來若土魯番哈密已人版章等收伊犁定喀什噶爾等八大城哈喇哈什等十小城其地東起玉門西盡大宛南至于闐北迤西括康居之境環歷天山沿沂河源

一

皇威所屆悉郡悉邑其外官以藩衛共球畢集重九譯而來庭舉前代之荒遠難測可憐可愕者悉於衽席間見之有河嶽之英生際其辰如我湘浦先生者敷歷中外鎮撫有年闢其田使速耕導其川使速漑百穀草木禽魚之利無殊中俗又多良馬供驅策月日講詰戎之禮射生伏飛注矢環甲旌蠶一揮汗血千里鞭鞘所指屬國駿奔卡倫之設嚴於檣榦而大將軍方且設庠序之教申之以三物六德之燬與小民相更始欲胥殊俗而還乎淳且令人我境者懷我好音極之大夏月支烏弋山離以西喁喁向化暇則考山水方界之延袤與夫民情物俗政事之得失

各根其實都爲一卷凡十二卷是書也意繁而旨博於伊
犁安撫之長策尤三致意焉後之人守其土讀其書奉其
成法思其明德茂功與立言俱不朽若藏之名山則祁連
嵯峨四徹中繩爲積書之巖無疑也振甲與先生雅故同
在樞垣先生之督兩江也遺次子洪溥往謁出此書寄示
卽爲校刊且序其後

西陲總統專畧叙

伊犁爲準噶爾地卽漢之烏孫唐之突厥明之瓦剌也又曰綽羅斯今稱爲厄魯特與和碩特都爾伯特土爾扈特爲四衛拉特非若哈密土魯番巴里坤穆壘之久列藩衛也我

高宗純皇帝神威聖武慨擴遐方自乾隆二十年蕩平達瓦

齊之亂始有其地是年阿睦爾撒納叛越二年將軍兆惠平之迄二十四年掃清回部南路八城增其式廓闢千古未闢之土實萬世無疆之休迺監於漢唐之陋設將軍於伊犁爲南北總統建城九調滿漢各

一

兵六千置領隊大臣四屯鎮一撫民理事同知各一勁旅碁布城郭星羅兵農並寓教養兼施聲教旁敷無遠弗届大荒以西如哈薩克瓦哩蘇爾坦等咸知沐浴

聖化駢集共球以視前代之徒事羈縻之術者慨乎遠矣其間歷任將軍防邊之計各出經營柔遠之方悉有建樹雖檔案可稽而掌收無次竊恐良法歷久而就湮增損從心而勢異是總統專畧亟宜泐爲成書以昭示來茲也嘉慶七年春松湘浦履斯任懷遠招攜在在周摯養士練卒刻刻關心迺尋哈什闔里沁以

及濟爾噶朗博羅布爾諸河之源疏支導派灌溉也

田兵食豐盈夷民饒裕向之沙磧戈壁今皆爲樂土樂郊焉孔子謂善人教民七年可以卽戎滿浦治伊

八年矣凡所爲竭力經營恪盡乃職者皆欽遵

聖訓指示而行之不遺餘力所以貽厥克昌民之生計而資其樂利者誠公而溥大而遠故其諳悉邊情爲最深爰取歷任籌邊要道輯成總統專畧一書體備而

事賅用周而政舉已已夏余奉

命量移來伊方以任大事繁難以報稱爲慮途次適接湘浦寄示伊犁總統專畧十二卷於車中閱之凡山川

二

城郭土俗夷情治兵治屯撫夷鎮邊之要莫不井井有條燎如指掌允爲任斯土者所當奉爲圭臬也夫籌邊之道匪直空言鎮靜也開誠布公以浹洽夷情養精蓄銳以鼓勵將士宣威布德以推廣

皇仁至於邊境救寧荒穰罔非臣僕既富方穀甲冑亦曉詩書不皆爲固結之民安於磐石乎今湘浦之喀什噶爾參贊任而猶惓惓於此者蓋不忍前人之良法或泯而留爲將來之程式爾踵斯任者因時制宜斟酌盡善神而明之卽不必規規然盡爲求合而大綱要領詎能舍是而他求也哉是爲敘

崑

嘉慶十有四年歲次己巳六月上澣宗室晉昌謹撰

叙

三

西陲總統事畧總目

卷一

初定伊犁紀事

初定回疆紀事

伊犁駐兵書始

伊犁興屯書始

卷二

南北兩路全境圖說

卷三

南北兩路疆域總叙

南北兩路山水總叙

南北兩路卡倫總叙

南北兩路軍台總目

卷四

官制兵額

兵書 自此以下至卡倫門專叙伊犁本境之事

職官題名

卷五

城池衙署

旗井

疆域山川

壇廟祠宇

糧餉 茶布

卷六

訓練

軍器

營務成案

卷七

兵屯

戶屯

水利

旗屯

水利

回屯

水利

屯務成案

卷八

錢法

銅鉛廠

煤廠

船工

壩工

木稅

圖籍

數學

世職

節孝

卷九

牧廠

廠務成案

總目

一一

總目

一一

卡倫

會議卡倫成案

卷十

塔爾巴哈台事畧

烏魯木齊所屬事畧

回疆各城事畧

卷十一

土爾扈特源流

哈薩克源流

布魯特源流

霍罕路程記

卷十二

漢烏孫釋地

唐西突厥釋地

哈薩克馬說

渥洼馬辯

厄魯特舊俗紀聞

回俗紀聞

附

西陲竹枝詞 祁韻士著

西陲竹枝詞 祁韻士著

西陲總統事畧目錄

卷一

初定伊犁紀事

初定回疆紀事

伊犁駐兵書始

伊犁興屯書始



目錄



宮保將軍松筠湘浦纂定 男熙慶亮續校字

原任山東知縣汪廷楷仰亭原輯

原任戶部郎中祁韻士鶴臯編纂

原任城守尉宗室廣寧安齋繪圖

前任吏部員外郎程振甲也園校刊

初定伊犁紀事

新疆南北兩路以伊犁為總統伊犁之隸版圖始自乾隆二十年兵凡三入迺底定前此本準噶爾幕庭也準噶爾者四衛拉特之一明史稱為忒刺今稱厄

魯特凡四部一曰綽囉斯即準噶爾一曰和碩特一

曰都爾伯特一曰土爾扈特因土爾扈特會徒俄羅

斯境以都爾伯特所屬之輝特代之四部游牧環處

今伊犁之地準噶爾世為會長明史所載脫歡太師

也先蓋其始祖先本元之臣僕元亡而其強臣分為

三其渠曰馬哈木者即脫歡之父自脫歡逮李汗世

次不可攷李汗背正妻與他婦野合而生子曰烏林

台巴勒太師其母棄之澤中李汗收養之及長遂統

部落又十二世而傳至巴圖魯渾台吉始強大渾台

吉即所謂汗也有子十一人噶爾丹其第六子性最

兇狡初在西藏為喇嘛後反俗為汗虐其昆弟子姓

弟僧格既為兄策臣巴圖魯所戕噶爾丹又殺僧格

次子索諾木阿喇布坦其長子策妄阿喇布坦偕僧

格舊臣七人遠逃準語謂之多倫斡庫爾多倫者漢

語謂七弩庫爾漢語謂友蓋言患難相友並赦其子

孫七死云噶爾丹拘繫和碩特台吉鄂齊爾圖殺之

收所屬人眾併入準噶爾鄂拓克齊諸衛拉特奉已

令蠶食諸部回人畏其威役屬之其牧東與喀爾喀

四部鄰久涎富庶謀往掠又怨喀爾喀土謝圖汗察

琿多爾濟嘗助鄂齊爾圖且與連姻欲攻之適察琿

多爾濟與札薩克圖汗成袞互匿逃眾自相忿爭達

賴喇嘛遣噶爾丹西勒圖泄盟於庫倫伯勒齊爾土

謝圖汗之弟哲卜尊丹巴胡土克圖與之抗禮噶爾

丹聞之謂其不尊達賴喇嘛貽書詰責康熙二十七

年引兵三萬闖入喀爾喀境由杭愛山大掠扎薩克

圖汗迎附之察琿多爾濟禦之於特穆爾不克走翁

吉噶爾丹偵哲卜尊丹巴胡土克圖居額爾德尼昭

遣其別將往攻而自領兵東趨克噶倫掠車臣汗牧

尋還掠圖拉察琿多爾濟悉眾盛戰於鄂羅會諾爾

三日衆潰喀爾喀四部皆被擾害土謝圖汗與車臣

汗札薩克圖汗先後叩邊內附噶爾丹遣使請逐還
土謝圖汗等勿納

聖祖仁皇帝惡其狡決策

親征三十五年

駕由克嚕倫視師授大將軍費揚古方畧大破其衆於昭莫

多噶爾丹敗竄部衆離散仰藥死喀爾喀四部始安

噶爾丹既死其姪策妄阿喇布坦由博羅塔拉還故

土收其遺衆保伊犁懼

天朝兵威上書乞通好極恭順獻噶爾丹尸且擒獻噶爾丹

子凡我索俘取地無敢不共乃班師既而策妄阿喇

一 初定伊犁紀事 三

布坦據汗位歷十餘年部落繁滋漸驕橫五十四年

遣兵二千襲哈密掠牲畜繼又謀并唐古特即今西

藏時有和碩特之拉藏汗者居唐古特地子二人一

名丹衷一名索爾札時策妄阿喇布坦計誘拉藏汗

以女博托洛克妻丹衷疑其善哈喇爾巫蠱術以兩

釜夾丹衷身烙死遂令其族兄大策零敦多卜領兵

六千出不意襲西藏擒殺拉藏汗並擄其次子索爾

札據藏地毀寺廟散番衆大肆劫掠五十九年

詔發大兵進勦授都統延信爲平逆將軍護軍統領噶爾弼

爲定西將軍分路進藏連敗賊衆大策零敦多卜力

不支乃引衆攜索爾札逃歸西藏始安策妄阿喇布

坦死子噶爾丹策凌嗣爲汗尤狡譎頗能用其父舊

人大策零敦多卜稱善謀小策零敦多卜以勇聞時

西北兩路駐兵噶爾丹策凌以送還叛賊羅卜藏丹

津爲名偵大將軍查爾阿入覲掠西路馬羣於巴里

坤因藉所獲馬力擣營於科布多屢犯邊界勢張甚

雍正十年額駙超勇親王策凌奉

世宗憲皇帝命率軍進討大敗之於額爾德尼昭噶爾丹策

凌乞和迺罷兵還當是時新疆之地惟哈密土魯番

巴里坤穆壘爲我邊塞置斥堠其天山南北之西境

一 初定伊犁紀事 四

皆準噶爾所據以兵威迫脅回部執其酋瑪哈墨特

父子拘之於阿巴噶斯鄂拓克以回民分隸各昂吉

下而役使之且耕且牧號強富故自噶爾丹策凌父

子繼世以來雖屢經大軍挫衄尚未犁其庭而掃其

穴也

高宗純皇帝卽位之初亦姑置之惟令嚴戍守謹邊備而已

遇其遣使入貢則優遣之彼遂亦無能爲噶爾丹策

凌死子策妄多爾濟那木扎爾嗣年幼縱恣其姊鄂

爾巴雅爾同母出也每以善言相勸久之遂不受其

禁制謂其姊欲效俄羅斯自立爲扣肯汗拘繫之並

肆行殺戮益無忌鄂蘭巴雅爾之夫薩奇伯勒克助
 噶爾丹策凌庶子喇嘛達爾札攻而弑之喇嘛達爾
 札遂篡汗位初噶爾丹策凌欲與唐古特釋怨給索
 爾扎人十戶資養之並以阿公妻博托洛克給韋徵
 和碩齊為妻其在丹裘處所生子曰班珠爾給五戶
 資養時博托洛克復有孕未產適韋徵和碩齊後乃
 生一子曰阿睦爾撒納雖為輝特台吉實與班珠爾
 皆丹裘之子有噶爾丹策凌幼子策旺達什者阿睦
 爾撒納班珠爾謀立為汗喇嘛達爾札等之殺策旺
 達什並殺小策零敦多卜之子達什達瓦阿睦爾撒
 納班珠爾乃向大策零敦多卜之孫達瓦齊告以禍
 將及相率避入哈薩克境未幾潛歸舊牧阿睦爾撒
 納殺其兄沙克都爾據其眾復與伊犁喇嘛等合謀
 殺喇嘛達爾札遂立達瓦齊為汗阿睦爾撒納用事
 會達什達瓦之姪訥默庫濟爾噶爾欲與達瓦齊分
 領準噶爾猝率兵一萬與達瓦齊戰達瓦齊兵敗走
 其牧額密爾即今塔爾巴哈台之地與阿睦爾撒納會阿睦爾
 撒納為設計誘執訥默庫濟爾噶爾誅之達瓦齊仍
 立為汗阿睦爾撒納本垂涎汗位欲令綽囉斯族自
 相殘已得乘間遂所欲眾宰桑謂之達瓦齊與阿睦

爾撒納有隙阿睦爾撒納遂與班珠爾等約哈薩克
 掠額密爾游牧且耕額爾齊斯為自固計達瓦齊凡
 三遣兵往勦皆不克其後自領兵三萬至額爾齊斯
 慶之阿睦爾撒納勢窘乃乞降先是都爾伯特台吉
 車凌車凌烏巴什車凌蒙克見達瓦齊與訥默庫濟
 爾噶爾構兵準噶爾亂率所部求內附即所謂三車
 凌也至是阿睦爾撒納班珠爾又率眾來降具言準
 噶爾將亡乞進兵為嚮導

上以達瓦齊虐所部人民陷水火且降眾日集錯處喀爾喀
 邊汎非長久計莫若因其俗而安撫之俟定伊犁後

一切定伊犁紀事

一六

設四衛拉特汗如其舊乃定議分路出師時乾隆十
 九年也明年春定北將軍班第由北路進阿睦爾撒
 納副之定西將軍永常由西路進先降之宰桑薩拉
 爾副之大軍均於二月啓行比入境所過鄂拓克宰
 桑人等攜羊酒糗糒迎恐後五月大軍遂入伊犁達
 瓦齊竄格登山大軍踰伊犁河追之達瓦齊兵近萬
 結營以待負格登崖臨淖將軍等議曰大兵經萬餘
 里未嘗血刃遺鏃今達瓦齊懼誅為負嶠計捷伐之
 恐玉石俱焚母乃非

聖天子救寧絕域意不若誘擒之善選喀喇巴圖魯阿玉錫

巴圖濟爾噶爾察哈什三人領健卒二十二宵策馬入其營規賊向賊潰降其衆七千餘達瓦齊以百餘騎逸忝贊大臣達爾黨阿蹙擊之收達瓦齊叔父班珠爾及餘衆六千餘達瓦齊踰庫魯克嶺將軍班第遣使分道往索烏什伯克霍集斯領達瓦齊將走喀什噶爾以兵伏林中遣其弟攜酒及馬給迎達瓦齊至則伏驟起擒之其子羅卜扎及宰桑阿爾奇等七十餘人悉就縛霍集占馳以告班第遣兵迎之於穆蘇爾達巴罕械送京師準噶爾平當阿睦爾撒納之乞進兵也本欲假手大兵滅準噶爾說以已爲渾台

吉總轄四衛拉特

上預燭其奸至是分封四汗以彼爲輝特汗車凌爲都爾伯特汗班珠爾爲和碩特汗新降之台吉噶爾藏多爾濟爲綽囉斯汗阿睦爾撒納旣失望萌異志時以流言煽惑諸鄂拓克居常不肯衣

賜服用私印行軍檄叛跡漸露將軍班第等密陳其狀

上令相機擒誅之尋以凱旋大宴

召覲熱河阿睦爾撒納遷延不遠行潛遣人赴阿勒台取其孛約日颺去而先已有

旨令駐烏里雅蘇台大臣爲之備計不行乃中途叛歸向之

爲彼煽惑者同時作亂八月伊犁宰桑克什木巴朗糾衆及喇嘛等肆逆時大兵已撤軍營僅駐五百名力不敵將軍班第忝贊大臣鄂容安雙烈殉節焉西路軍台爲阿巴噶斯哈丹等所斷北路之包沁人等亦闌出卡倫肆掠道路爲梗旣而阿睦爾撒納聞將軍策楞率大軍將至伊犁台吉宰桑等悔從逆之罪謀擒彼迎降以自贖乃先期遁掠喇嘛馬駝走哈薩克二十一年二月大軍再入伊犁逆賊克什木等伏誅阿巴噶斯渠魁亦就殲大軍壓哈薩克境阿睦爾撒納以哈薩克兵拒戰輒敗相距僅一谷阿睦爾撒納易服潛匿乃爲爲哈薩克遣使詭言卽欲擒獻因其汗阿布賚未至乞暫緩師時策楞已獲罪達爾黨阿代爲將軍信其言按兵待獻阿睦爾撒納遂得竄走達爾黨阿亦坐是獲罪自阿睦爾撒納叛後其兄班珠爾以附逆擒械至京別以台吉沙克都爾曼濟爲和碩特汗台吉巴雅爾爲輝特汗是年冬巴雅爾復叛將軍兆惠時鎮伊犁駐兵濟爾噶朗調諸部落兵協勦而綽囉斯汗噶爾藏多爾濟之從子台吉扎納噶爾布及噶爾雜特宰桑哈薩克錫喇中變助逆又噶爾藏多爾濟亦與布魯古特台吉呢瑪等糾結

爲亂兆惠移兵勦捕甫至鄂壘扎拉圖遇達什策凌等賊衆乘其不備夜出衝殺殲千餘人是爲鄂壘扎拉圖之戰噶爾藏多爾濟糾衆邀歸路連戰不退適侍衛圖倫楚援兵至并力夾擊賊始解去我軍全隊還駐巴里坤二十二年春大軍分路進討喀爾喀親王成衮扎布偕叅贊大臣舒赫德由珠勒都斯進伊犁將軍兆惠偕叅贊大臣富德由額林哈畢爾罕進成衮扎布軍過克勒特烏魯特沙拉斯嗎呢斯等鄂拓克皆撫降其衆而未取其馬駝大軍既過皆叛去乃旋師殲除之兆惠軍行至庫隴突地近伊犁叛黨昂克圖塔爾巴等據險抗拒適大軍前行後隊將士僅八十餘人乘曉霧與鏖戰并於奪險攻賊時遣侍衛扎延保收其牧羣賊不能脫囚宰桑殲其二餘衆悉被斬獲所向克捷直入伊犁適阿睦爾撒納竊哈薩克馬竄歸伊犁揚言哈薩克助已聚衆爭長突遇大兵至脫身遁時噶爾藏多爾濟已爲其姪扎納噶爾布所殺台吉達瓦又殺扎納噶爾布獻其首於軍門侍衛海蘭察追射巴雜爾就獲和碩特汗沙克都爾曼濟心懷攜貳亦爲叅贊大臣雅爾哈善所戮凡逆黨之助惡者以次伏法將軍兆惠駐守伊犁叅贊

富德率兵追捕阿睦爾撒納路遇哈薩克兵咸懼伏其汗阿布賚以屢爲阿睦爾撒納所賣恨之遣使詣軍乞稱臣貢馬且誓擒逆賊自効阿睦爾撒納窮蹙奔俄羅斯尋斃以其尸獻準噶爾之衆自疊經變亂以來死亡畧盡或流爲嗎哈沁竄伏山谷間搜捕悉平伊犁自此永定此

國朝用兵討逆之始末也嘗攷西師之役我

高宗純皇帝初意未嘗利其土地而欲疆域之也達瓦齊既擒卽擇其酋帥分封四汗使如衛拉特之舊

聖心光明正大仁至義盡昭如日星使彼種有人心自當感

戴

鴻慈矢忠効順世爲藩服庶帶礪之盟可以永遠弗替無如梟獍之徒狃於積習逞其變詐自作不靖阿睦爾撒

納辜負

聖恩反覆僉回竇爲罪魁班珠爾巴雅爾噶爾藏多爾濟等相率效尤乘間竊發均自底於滅亡而其他助惡逆黨無一不身被顯戮靡有孑遺此固書所謂自作孽不可活者矣惟是準噶爾之平實啓自阿睦爾撒納忽降忽叛兵端由此起卽疆輿由此定天若特生此人以爲驅除之資我

高宗純皇帝神謨默運

洞燭幾先遂闢千古未闢之土

鴻功偉烈炳耀奕禩豈偶然哉

卷一 初定伊犁紀事

十一

初定回疆紀事

乾隆二十二年伊犁既定始有事於回部至二十四年而亦定今之喀什噶爾英吉沙爾葉爾羌和闐烏什阿克蘇庫車喀喇沙爾八大城皆其地也若土魯番哈密則自

國初已內附不在八城之內亦有回衆居之初回人以天方爲祖國錯居西域或城郭處或逐水草徒稱花門種相傳其祖派哈木巴爾以事天爲本重殺不食犬豕肉嘗以白布蒙頭故有纏頭白帽之稱族類滋繁本非生噶爾所屬因畏其強而歸於噶爾其勇婦其賦稅虐使之其酋瑪哈墨特者世居喀什噶爾其差二城爲衆所服噶爾丹策凌聞而惡之召至噶爾之不許歸故土其子二長曰布拉泥敦次曰霍集占即回人所稱大小和卓木者也隨其父因繫有年終準噶爾之世不得脫大軍定伊犁時瑪哈墨特已死布拉泥敦霍集占迎降獻款意甚恭將軍班第奏釋之以兵送布拉泥敦歸喀什噶爾俾統其舊屬而令霍集占留居伊犁撫其在伊犁之衆兄弟二人一叛然霍集占力甚阿睦爾撒納之叛霍集占助逆爲攻勤王之台吉宰桑等及我師再入伊犁

卷一 初定回疆紀事

十二

阿睦爾撒納走哈薩克霍集占亦乘間竄歸葉爾羌時回部各城酋長先已輸誠効順稟大軍約束及霍集占歸乃為煽脅計置其心腹於各城偵我師動靜欲竊據回疆以自雄而未發也會伊犁將軍兆惠遣副都統阿敏道赴回城議事霍集占以兵迎執而殺之遂與其兄布拉泥敦各據城叛別城為所煽皆觀望持兩端有應之者二十三年春大軍進勦圍庫車霍集占糾眾五千來援喀爾喀郡王徹布登扎布迎繫之於和落霍漸敗其眾生擒宰桑渥赭特賊至鄂根河岸副都統愛隆阿率兵蹙之大殲賊眾霍集占

初定回疆紀事

亡其黨走入庫車閉城守等以四百騎乘夜潰圍遁庫車城下將軍雅爾哈善以縱賊獲罪

上命將軍兆惠往代其軍時兆惠方搜捕準夷餘孽抵布魯特境收服其眾聞有是

命旋師而東有霍集斯者烏什大伯克也嘗擒獻達瓦齊布拉泥敦兄弟忌其族彊伴與之善霍集斯亦伴附之霍集占援庫車令霍集斯駐阿克蘇以待及由庫車遁還將徙阿克蘇之眾於烏什阿克蘇回人閉城拒乃令霍集斯脅城外數百戶遷烏什霍集斯陰納烏什諸頭目欲延霍集占入飲縛之霍集占疑詐霍集

斯請自召烏什眾徒喀什噶爾甫入城以兵拒霍集占懼而西走及大軍至阿克蘇回眾逐霍集占所置伯克獻城降霍集斯亦由烏什詣軍門納戶籍且請從征自劾十月六日將軍兆惠率師直薄葉爾羌攻其城霍集占畫溝立隊以自固我兵以少擊眾凡三搏戰殲獲甚眾賊擁入城不出偵知賊游牧在城南英巽奇盤山計乘虛襲其輜重以制之十三日取道城東渡河未及半而橋圯已過者僅四百餘騎賊大至馬步萬餘蓋布拉泥敦由喀什噶爾自來援所率以助戰者皆至其師如林我軍所回而其地又皆

初定回疆紀事

沮湖人馬難行且戰且逾河殺賊千餘因退保喀喇烏蘇結營固守是為通古思魯克之戰所云喀喇烏蘇者即黑水也今其地乃名為洗泊云先是

王以兆惠富德在行間久其母年皆老別授伯納木扎爾為將軍侍郎三泰為叅贊大臣往代至是行抵葉爾羌聞銃礮聲知我軍與賊戰率百餘騎前進兆惠遣人間道迎諱勿前路相左弗值遂遇害時叅贊大臣舒赫德駐守阿克蘇聞軍營被圍信以續調更換之索倫察哈爾健銳營及陝甘綠營兵已過關展馳檄催進先至者率以行副將軍富德繼之次年正月六日

至呼爾璜遇賊騎五千摩衆與戰三晝夜不退適忝
贊大臣阿里衮由巴里坤以百餘人解馬至乃分翼
奮擊殲賊甚衆餘悉負傷敗走布拉泥敦脇中銃創
甚昇入城戰時銃礮聲遠震數十里黑水營中聞之
度援師已至急遣人突圍出持牘相聞勵兵奮擊焚
毀賊營數處戮賊千餘是月十四日圍解兩軍會合
當大軍之被圍也以周行萬餘里道遠馬力疲兵僅
三千餘賊以萬餘人據城抗拒主客勞逸之勢不相
侔是以稍有挫衄然賊怵我兵威又繕備甚嚴彼竟
無能爲或導渠水灌我軍輒預濬濠引之入河轉資

初定回疆紀事

五

其用或用雲梯來攻輒應手破之或據高施銃鉛丸
空集營樹上我軍伐木爲薪得鉛丸萬億取以擊賊
賊輒斃初有兩月糧久之食且盡營中忽掘地得藏
糧百餘窖賊驚以爲神故困守雖逾三月而人皆有
固志及援軍至以疾行戈壁中馬力復疲賊據險遮
之幾不能進而後隊解馬之軍因

上先慮及馬疲應更換故阿里衮奉

旨送馬早行在途恰於是時不期而至夜搗賊壘內外夾擊
賊不知我兵共有幾萬握炭流湯之徒自相蹂躪死
亡無算賊之精銳盡於是役大軍全師而還駐阿克

蘇蓋

天之助順若此初兆惠攻葉爾羌時別遣侍衛齊凌札布噶
布舒及回長鄂對等往招和闐齊凌札布等分守伊里齊
圍霍集占遣其黨攻和闐齊凌札布等分守伊里齊
哈拉哈什玉隴哈什三城百計抵禦以待援師其餘
三城力不支復降於賊至是遣副都統巴圖濟爾噶
爾瑚爾起等分路往救值大霧乘勢掩擊斬賊渠阿
布都海里克及霍集雅斯於陣餘黨敗遁和闐復定
六月大兵既集分道進討兆惠由烏什直取喀什噶
爾富德由和闐直取葉爾羌霍集占兄弟各據一城

初定回疆紀事

五

本欲首尾相救策應枝梧聞我兩路軍同時並進計
大窘布拉泥敦知不可支先期遁喀什噶爾回衆以
城降霍集占勢孤尋亦遁葉爾羌回衆以城降兩城
次第撫定閏六月忝贊大臣明瑞率偏師追躡賊踪
諜知兩酋竄伏塞爾古勒其地爲通巴達克山安集
延兩部之要路逆酋兄弟欲投巴達克山其黨欲投
安集延議未決我師悉力窮追至霍斯庫魯克賊避
其輜重婦女以六千人登山拒守我軍先至者九百
騎奮勇仰攻塵戰三時斬馘數百俘其男婦駝馬賊
轉向巴達克山一路而逸度我兵迫且至設伏於阿

爾楚爾兩山之巔富德率兵繼至與明瑞合議曰衆

寡勢殊彼又先據險要非整旅結陣難出萬全因以

健銳營火器當其中堅更張左右翼設奇兵與戰殺

賊千餘斬其大伯克數十人賊披靡竄七月乘勝追

及之於伊西洱庫爾淖爾此地山高而石聳淖爾緣

邊僅容單騎布拉泥敦據守山嶺霍集占悉眾阻淖

爾隘口我軍分布攻擊賊大敗匪樹盡招降賊眾紛

紛乞命霍集占手刃之不能止度勢不可為奪馬繞

山走與布拉泥敦逃往巴達克山部餘眾悉降大軍

發檄諭令克日縛獻巴達克山等處爾堪沙聞之亟

率兵邀於路生擒布拉泥敦等斃霍集占中統死廼

函其首以獻並納款稱臣凱旋回疆悉定是役也我

高宗純皇帝以逆賊霍集占兄弟黨惡負

恩背叛戕害大臣不得已而用兵罪止及渠魁脅從者咸

宥而無之聽其墜種各安舊業薄取其賦除去準噶爾一切

苛政回民大悅回日之從征有功者一一

頒爵闡庸視蒙古王公秩最著者若土魯番之貝勒額敏和

卓晉封郡王

王品級貝勒

品級

後其孫邁哈默特

其次若烏什之色提卜阿勒

後其孫額爾承襲

庫車貝子鄂對晉封貝勒

後其孫額爾承襲

其次若烏什之色提卜阿勒

氏由輔國公晉封貝子品級

特給公品級

貝勒霍集斯

貝勒霍集斯

巴喇伊

爾都克

二等台吉

和卓承襲

也回疆既定設官分理

阿奇木伯克

噶爾納齊伯克

易匠役者

克司田產交易者

拉布伯克司

稅者曰巴濟格爾

克備差遣者

布伯克巡捕者

及雜差者

拉克伯克司

教幼童經者

曰默克塔布

伯克司

街道

街道

街道

街道

街道

街道

街道